

**Nomoro ya 16725 LESEDINYANA LA DITSEBISO TSA MMUSO LA LA 4 MPHALANE 1995**

**Molao wa nomoro ya mashome a mahlano a metso e robedi selemong sa 1995: MOLAO WA BOLAODI BA MANGOLO A THUTO WA SELEMO SA 1995**

Ho etswa tsebisu mona hore Mopresidente wa naha o dumelletse tshebediso ya Molao o latelang o phatlalatswang mona hore motho e mong le e mong a tsebe ka ona: -

**MOLAO**

**Ho kgothaletsa tshebediso le ntshetsopela ya Moralo wa Setjhaba wa Mangolo a Thuto mme ka lona lebaka lena ho thehwa Bolaodi ba Mangolo a Thuto Afrika Borwa le ho sebetšana le ditaba tse amanang le molao ona.**

(Sengolwa se ngotsweng ka senyesemane se saenetswe ke Mopresidente).(Tumello ya sona ya etswa ka la 28 Lwetse 1995.)

**MOLAO** ona o lokela ho sebediswa ke Palamente ya Afrika Borwa ka tsela ena e latelang: -

**Ditlhaloso**

- Mantswe a latelang a tla hlalosa ka tsela ena e latelang Molaong ona haese feela ha ditaba tseo a sebedisitsweng ho tsona di fetohile -
  - Lentswe lena "Bolaodi" le bolela Bolaodi ba Mangolo a Thuto Afrika Borwa e leng bolaodi bo thehilweng ho latela karolwana ya boraro: (viii)
  - "Kopanelo" ke lentswe le bolelang kopanelo kapa tshebedisano kgwebong e ngodisitsweng ka molao ofe kapa ofe mme e fana ka thuto kapa thupelo ho basebetsi ba yona: (v)
  - "Mookamedi-kakaretso" ke lentswe le bolelang Mookamedi-kakaretso wa Thuto; (i)
  - Ka "Letona" ho bolelwa Letona la Thuto mme mabapi le ditaba tse hlhelling dikarolong tsa 4(2), 4(3), 4(4), 4(5), 4(6), 5(1)(c), 11, 13(2), 14 le 15(2) Letona la Thuto le sebedisana le Letona la Mesebetsi; (vi)
  - Ka "Moralo wa Setjhaba wa Mangolo a Thuto" ho bolelwa Moralo wa Setjhaba wa Mangolo a Thuto o dumelletseng ke Letona bakeng sa ngodiso ya dihlopha tsa thuto le mangolo a thuto; (vii)
  - "mosebetsi wa botijhere" ho bolelwa mokgatlo kapa kopano eo e leng setho sa Lekgotla la Dikamano Mesebetsing ya Thuto ho latela Molao wa Dikamano Mesebetsing ya Thuto e le Molao wa nomoro ya lekgolo, mashome a mane a metso e tshelatseng wa selemo sa sekete, makgolo a robong, mashome a robong a metso e meraro mme o ananelwa ke Letona ho latela ona Molao ona: (ii)
  - "ho laela" ho bolelwa ho laela ka ho sebedisa molawana; (x)
  - ka "lengolo la thuto" ho bolelwa kananelo ya phumano ya palo e itseng ya matshwao esita le ditshwanelo tse ding tsa boemo bo itseng ho latela Moralo wa Setjhaba wa Mangolo a Thuto kamoo mekgatlo e fapaneng e ka laolang ka teng e ngodisitsweng ho petha morero ona ke Bolaodi ba Mangolo a Thuto mona Afrika Borwa; (iv)
  - Ka "ngodiso" ho bolelwa hore e ngodisitswe ho latela Moralo wa Setjhaba wa Mangolo a Thuto; (iii)
  - "sehlopha" ho bolelwa boemo bo itseng bo lebeletsweng thutong le thupelo ekasitana le mekgwa e bo amang ya hlahlolo. (ix)

**Sepheo sa Moralo wa Setjhaba wa Mangolo a Thuto**

- Sepheo sa Moralo wa Setjhaba wa Mangolo a Thuto ke sena se latelang:
  - ho etsa maralo o kopaneng kapa o akaretsang wa manane a thuto;
  - ho akofisa, ho ntshetsa pele le ho tiisa tswelopele ka hare ho thuto, thupelo esita le bokamoso ba mesebetsi e fapaneng;
  - ho phahamisa katleho le boleng ba thuto le thupelo bo kgabileng;
  - ho potlakela ho rarolla mathata a bakilweng ke kgethollo e bileng teng ka nko e fetileng mesebetsing ya thuto, thupelo le ho latela menyela e fapaneng ya mesebetsi; mme ka hona
  - ho kgothaletsa tswelopele ya moithuti e mong le e mong esita le tswelopele ya setjhaba le moruo wa sona ka kakaretso.

**Ho thehwa ha Bolaodi ba Mangolo a Thuto Afrika Borwa**

- Mona ho thehwa lekgotla le laolang le bitswang Bolaodi ba Mangolo a Thuto Afrika Borwa.

**Molao wa Motheo wa Bolaodi ba Mangolo a Thuto Afrika Borwa**

- (1) Bolaodi ba Mangolo a Thuto Afrika Borwa bo tla ba le modulasetulo ya tla amohelwa mosebetsing ho latela karolwana ya bobedi, ditho tsa bolaodi tsona di tla amohelwa ho latela karolwana ya boraro le ya bone, athe mohlanka wa lekgotla la phethahatso yena o tla amohelwa mosebetsing ho latela karolwana ya bosupa.
  - Letona le tla amohela motho ya nang le boiphihlelo le boitsebelo bo phethahetseng mabapi le ditaba tse amang mesebetsi ya Bolaodi ba Mangolo a Thuto Afrika Borwa hore e be modulasetulo wa Bolaodi.
  - Letona le tla amohela batho ba latelang hore e be ditho tsa Bolaodi ba Mangolo a Thuto Afrika Borwa ka tsela e boletsweng karolwaneng ya bone -
    - setho se le seng se thongwa ke Mookamedi-kakaretso;
    - setho se le seng se thongwa ke dihlooho tse fapaneng tsa mafapha a thuto a porofense;
    - setho se le seng se thongwa ke Mookamedi-kakaretso wa Lefapha la Mesebetsi
    - setho se le seng se thongwa ke Lekgotla la Setjhaba la Thupelo
    - ditho tse pedi di thongwa ke mekgatlo e emetseng mesebetsi e fapaneng;
    - ditho tse pedi di thongwa ke mekgatlo e emetseng mesebetsi ya kgwebo;
    - setho se le seng se thongwa ke Komiti ya Dihlooho tsa Diyunivesithi e thehilweng ho latela karolo ya botshelela ya Molao wa Diyunivesithi wa selemo sa sekete, makgolo a robong, mashome a mahlano a metso e mehlano (Molao wa nomoro ya mashome a tshelatseng a mots'o o mong wa selemo sa sekete, makgolo a robong, mashome a mahlano a metso e mehlano);
    - setho se le seng se thongwa ke Lekgotla la Dihlooho tsa Dithekenikono le thehilweng ho latela karolwana ya bobedi ya Molao wa Dithekenikono wa selemo sa sekete, makgolo a robong, mashome a robong a metso e meraro (Molao wa lekgolo, mashome a mabedi le metso e mehlano wa selemo sa sekete, makgolo a robong, mashome a robong a metso e meraro);
    - setho se le seng se thongwang lekgotla la setjhaba le emelang dihlooho tsa dikolo tsa thupelo ya matijhere mme lekgotla leo le ananelwa ke Letona bakeng sa morero ona;
    - setho se le seng se thongwang lekgotla la setjhaba le emelang dihlooho tsa dikolo tsa thupelo ya mesebetsi ya mats'oho mme lekgotla leo le ananelwa ke Letona bakeng sa morero ona;
    - setho se le seng se thongwang makgotla a setjhaba a emelang dikolo tsa thupelo kante ho thupelo ya matijhere le thupelo ya mesebetsi ya mats'oho mme makgotla ana a ananelwa ke Letona bakeng sa morero ona;
    - setho se le seng se thongwang makgotla a setjhaba a emelang thuto ya motheo esita le thupelo ya batho ba baholo mme makgotla ao a ananelwa ke Letona bakeng sa morero ona;
    - setho se le seng se thongwa ke makgotla a setjhaba a emelang ntshetsopela ya ngwana ya ntseng a hola mme makgotla ao a ananelwa ke Letona bakeng sa morero ona;
    - ditho tse pedi tse thongwang ke lefapha la mesebetsi ya thuto ya botijhere,
    - ditho tse pedi tse thongwang ke makgotla a setjhaba a emelang barupedi mme makgotla ao a ananelwa ke Letona bakeng sa morero ona;
    - setho se le seng se thongwang ke makgotla a setjhaba a emelang thuto e ikgethileng, thuto ya batho ba nang le dithoko tse ikgethileng mme makgotla ao a ananelwa ke Letona bakeng sa morero ona;
    - batho ba sa feteng palo ya botshelela ba kgethlang ke Letona kamoo a ka fumang ho lokela ka teng;
    - ditho tse sa feteng bobedi tse kenyeleditsweng Bolaoding bona ke Bona Bolaodi ba Mangolo a Thuto Afrika Borwa kaho rata ha Bolaodi mme mabits'o ana a hlalitswe ho Letona bakeng sa kananelo le kamohelo.

- (4) Bakeng sa ho fumana batho ba ka thongwang ho ba ditho tsa Bolaodi jwalo ka ha ho boletsweng karolwaneng ya boraro, Letona le tla tsebisa Lesedinyaneng la Ditsebisu tsa mmuso hore o batla batho ba ka kgethelwang ho ba ditho tsa Bolaodi ba Mangolo a Thuto Afrika Borwa. Ka lebaka lena Letona le tla kopa lekgotla kapa mokgatlo ofe kapa ofe ho e boletsweng karolwaneng ya boraro hore ba hlalise mabits'o a batho bao ka lebaka la boiphihlelo le boitsebelo ba bona malebana le mesebetsi ya Bolaodi bona ba Mangolo a Thuto Afrika Borwa ba ka lokelang ho ba ditho tsa Bolaodi. Ha mabits'o ana a se a fumanwe, ho tla tadingwa boemedi, ke ho re, mabits'o ana a emetse makgotla kapa mekgatlo efe ho e boletsweng ka hodimo.

- (5) Bakeng sa ho thonya batho ho latela seratswana sa (n) sa karolwana ya boraro, ho tla thongwa feela motho a le mong bakeng sa mokgatlo o mong le o mong o emetsweng.

- (6) Setho sa Bolaodi ba Mangolo a Thuto Afrika Borwa se tla ba le hona ho sebitsa Bolaoding bona nako e sa feteng dilemo tse tharo. Nako ena e tla laolwa ke Letona ka nako eo setho se amohelwang mosebetsing ona bo hlokwane. Setho sona seo se ka boela sa amohelwa hape nako e lekanang le ya pele ha nako ya hae eo a neng a e abetswe pele e se e fedile.

- (7) Ha Letona le lokela ho tlatsa sekgoe se hlalileng Bolaoding bona ba Mangolo a Thuto Afrika Borwa, le tla sebetsa ho ya ka boemedi ba makgotla kapa mekgatlo e hlhelling karolwaneng ya boraro.

- (8) Ditho tse bolelwang karolwaneng ya bobedi le ya boraro di tla amohela motho ya itseng ho ba setho sa lekgotla la phethahatso ho ya ka tse lebeletsweng ke Bolaodi ba Mangolo a Thuto Afrika Borwa. Kamohelo ena e tla amohelwa le ho tiiswa ke Letona la Thuto mme le sebedisana le Letona la Ditjhelete.

**Mesebetsi ya Bolaodi ba Mangolo a Thuto Afrika Borwa**

- (1) Ho ya ka ditaelo tse hlalitsweng karolwaneng ya bobedi, Bolaodi ba Mangolo a Thuto mona Afrika Borwa bo tla -
  - (i) hlokomela hore ho be le tswelopele mesebetsing ya Moralo wa Setjhaba wa Mangolo a Thuto; le hore (ii) Bolaodi bo etsa le ho phatlalatsa maano le mekgwa ya tataiso bakeng sa -
    - ngodiso ya mekgatlo e ikarabelang bakeng sa ho theha dihlopha tse itseng tsa thuto le mangolo a itseng a thuto; le
    - kananelo sa mekgatlo e ikarabelang bakeng sa ho hlokomela le ho lekola katleho ya tse fihleletsweng ke dihlopha le mangolo ao a thuto;
  - ho hlokomela hore ho be le tshebediso e phethahetseng ya Moralo wa Setjhaba wa Mangolo a Thuto, mme ho akaretswa le -
    - kamohelo kapa kananelo ya mekgatlo e boletsweng seratswaneng sa (a) le ho ajwa ha mesebetsi e itseng eo mekgatlo ena e lokelang ho e phetha;
    - ngodiso ya dihlopha tsa setjhaba le mangolo a thuto;
    - mehato e lokelang ho latelwa bakeng sa ho hlokomela hore ho ikamahangwe le ditaelo tsa kananelo; le
    - mehato e lokelang ho latelwa hore dihlopha tse itseng thutong esita le mangolo a thuto a itseng a boemong bo tshwanang le boemo ba mangolo a thuto a dikolo tse ding lefatsh'e ka bophara ba lona;
  - ho elets'a Letona mabapi le ditaba tse amanang le ngodiso ya dihlopha tsa thuto esita le ona mangolo a thuto; le ho
  - ba le boikarabelo ba ho laola ditjhelete tsa Bolaodi ba Mangolo a Thuto Afrika Borwa.
- (2) Bolaodi ba Mangolo a Thuto Afrika Borwa bo tla kgothaletsa hore ho latelwe sepheo sa Moralo wa Setjhaba wa Mangolo a Thuto jwalo ka ha se hlahlalla karolong ya bobedi. Bolaodi bo tla boela bo kgothaletsa hore ho phethwe mesebetsi ya Bolaodi jwalo ka ha e hlahlalla karolwaneng ya pele -
  - kamora ho kopana le ho buisana le mafapha a itseng a mmuso, mekgatlo ya mmuso, dikgwebo tse kgolo, mekgatlo le ditsha tsa thuto tse nang le boikarabelo bo itseng ho tsa thuto, thupelo le ho ntshwa ha mangolo a thuto bakeng sa ho feta dihlopha tse itseng e leng se laolwang ke Moralo wa Setjhaba wa Mangolo a Thuto.
  - ho tlotella le ho ananela bokgoni ba Palamente le makgotla a etsang melao ho latela karolo ya lekgolo, mashome a mabedi a metso e tshelatseng ya Molao wa Motheo, esita le matla le mesebetsi ya makgotla a busang a yunivesithi kapa diyunivesithi le thekenikono kapa tsona dithekenikono jwalo ka ha ho boletsweng Molaong ofe kapa ofe wa Palamente.

**Mesebetsi ya mohlanka wa lekgotla la phethahatso**

- (1) Mohlanka wa lekgotla la phethahatso o tla -
  - ikarabella ho Bolaodi ba Mangolo a Thuto Afrika Borwa bakeng sa ho phetha mesebetsi ho latela Molao ona;
  - laola le ho lekola mesebetsi wa bahlanka le basebetsi ba bang ba Bolaodi ba Mangolo a Thuto Afrika Borwa; le ho ba
  - mohlanka ya hlokomelang ya hlokomelang matlotlo kapa ditjhelete tsa Bolaodi tse keneng, ditsefello tse entsweng le thepa e sa tsitsang e rekisitsweng ke Bolaodi.
- (2) Mohlanka wa lekgotla la phethahatso o tla tshetswa phethahatsong ya mesebetsi ya hae (ho latela karolwana ya pele) ke bahlanka ba bang esita le basebetsi ba bang ba Bolaodi ba Mangolo a Thuto Afrika Borwa ho ya kamoo yena mohlanka wa lekgotla leo la phethahatso a ka fumanang ho tshwaneleha ka teng bakeng sa morero ona.

**Boikarabelo ba Bolaodi ba Mangolo a Thuto Afrika Borwa**

- (1)
  - Bolaodi ba Mangolo a Thuto Afrika Borwa bo ka theha dikomiti kapa makgotlana mme ba amohela batho bao eseng ditho tsa Bolaodi hore e be ditho tsa makgotlana ana.
  - Bolaodi bo tla amohela modulasetulo bakeng sa lekgotlana le leng le le leng.
  - Bolaodi bo ka fedisa kapa ho tsosolosa lekgotlana botjha.
  - Bolaodi bo ka arola boikarabelo ba bona haese feela boikarabelo bo boletsweng karolong ena lekgotlaneng lefe kapa lefe. Le ha ho le jwalo, matla a Bolaodi a keke a nkuwa ke lekgotlana leo motjhaotjhele mme ke ka hona Bolaodi bona ba Mangolo a Thuto Afrika Borwa bo ka fedisang matla ao a adimilweng lekgotlana ka nako efe kapa efe.
  - Bolaodi bo ka etsa sehlopathiso qetong ya lekgotlana kapa ba qhelela qeto eo ya lekgotlana thoko.
- (2) Bolaodi bo ka rarolla mathata a diqhwebeshano a amanang le phethahatso ya mesebetsi e boletsweng karolong ya bohloano.

- (3) Bolaodi bo ka amohela le ho rekisa matlotlo a bona.

- (4) Bolaodi ba Mangolo a Thuto mona Afrika Borwa bo na le matla a ho laela hore ho etswe diphuputso mabapi le phethahatso ya mesebetsi ya bona haeba ho hlokeha jwalo.

- (5) Bolaodi bo ka phetha mesebetsi ofe kapa ofe oo Letona la Thuto le fumanang o tshwanela ho phethwa mme e le mesebetsi o amang Moralo wa Setjhaba wa Mangolo a Thuto.

**Dikopano tsa Bolaodi ba Mangolo a Thuto Afrika Borwa le makgotlana**

- (1) Dikopano tsa Bolaodi ba Mangolo a Thuto Afrika Borwa kapa dikopano tsa lekgotlana di tla tshwarwa ka dinako le dibaka tseo modulasetulo wa Bolaodi kapa wa lekgotlana a ka laelang ka teng, ho latela se lokelang ho etswa ka nako eo.
- (2) Tsamaiso ya kopano ya Bolaodi a keke ya lekgotlana e keke ya thunthetswa le ho sengwa ke ho ba siyo ha setho se itseng sa Bolaodi kapa sa lekgotlana ka tsela efe kapa efe.
- (3) Haeba modulasetulo wa Bolaodi ba Mangolo a Thuto Afrika Borwa kapa wa lekgotlana a le siyo, ditho tse teng kopanong di tla kgetha setho se itseng hara ditho tse teng mohlango oo hore se etelle kopano eo pele letsatsing leo.
- (4) Bolaodi bo ka fana ka melao e amang tsamaiso ya dikopano tsa bona kapa kopano ya lekgotlana esita le palo ya ditho se lokelang ho teng pele kopano e ka qala bakeng sa dikopano tseo.

**Ho tswa mosebetsing ha ditho tsa Bolaodi ba Mangolo a Thuto Afrika Borwa**

- (1) Modulasetulo kapa setho sefe kapa sefe sa Bolaodi se boletsweng karolong ya bone (tharo) 4(3) se tla rola marapo kapa ho tswa mosebetsing ona wa Bolaodi haeba -
  - haeba thepa ya hae e jewa kapa haeba a buisana ka tsela e itseng le batho ba mo fang ditjhelete ka tselanyana e itseng;
  - haeba a fumanwa e le motho ya sa phelang hantle kelellong ho latela molao ofe kapa ofe;
  - a ba siyo dikopanong tsa Bolaodi ba Mangolo a Thuto Afrika Borwa ka makgetlo a mararo ka ntle ho tsebisu ya Bolaodi ka ho se be teng ha hae;
  - haeba a tsebisa Letona ka lengolo hore o itokolla mosebetsing oo; kapa
  - haeba a fumanwa a le molato lekgotleng la dinyewe bakeng sa molato ofe kapa ofe mme a ahlolwa ka ntle le ho lefiswa molato oo nakong eo a ntseng a le tshelatsong ya Bolaodi.

**Ditjhelete tsa Bolaodi ba Mangolo a Thuto Afrika Borwa**

- (1) Ditjhelete tsa Bolaodi ba Mangolo a Thuto Afrika Borwa di arotswa tjena -
  - ditjhelete tse laolwang ke Palamente bakeng sa ho phetha merero ya Bolaodi ba Mangolo a Thuto Afrika Borwa;
  - ditjhelete tseo Bolaodi bo di fumanang ka lebaka la melawana e entsweng ho latela karolo ya leshome le metso e mene;
  - ditjhelete tse fumanang ka tsela ya kadimo e entsweng ke Bolaodi ba Mangolo a Thuto le ka tumello ya Letona la Thuto le ka tshebedisano le Letona la Ditjhelete;
  - dimpho, dinyehelo le ditsefello tsa mesebetsi e entsweng tse amohetsweng ke Bolaodi; esita le
  - tswala ya matsete a Bolaodi.
- (2) Bolaodi bo tla sebedisa ditjhelete tsa bona bakeng sa tsefello ya mesebetsi ya bona.
- (3)
  - (a) Bolaodi ba Mangolo a Thuto Afrika Borwa bo tla hlalisa pehelo ya ditjhelete qetellong ya selemo se seng le se seng sa ditjhelete ka nako e badilwang ke Bolaodi ka tumello ya Letona la Thuto. Pehelo ena ya ho kena le ho tswa ha ditjhelete e lokela ho ba sebopehong se batlwang ke Letona e le hore e tle e amohelwe.
  - (b) Ditjhelete tse boletsweng karolwaneng ya (nngwe) (a) di tla sebediswa ho latela ditaelo tsa pehelo e boletsweng seratswaneng sa (a) mme tjehelete efe kapa efe e itseng e ne e sa lebellwa e tla fetisetswa selemong se hlalilang sa ditjhelete e le tjehelete eo Bolaodi ba Mangolo a Thuto Afrika Borwa bo nang le yona.
- (4) Ho latela ditaelo tse hlalilwang karolwaneng ya (nngwe)(a), Bolaodi bo ka tsetela karolo ya ditjhelete tsa bona ho ya kamoo Letona la Thuto hammoho le Letona la Ditjhelete ba ka laolang ka teng.
- (5) Bolaodi ba Mangolo a Thuto Afrika Borwa bo ka qosa tefo bakeng sa: -
  - Ngodiso le kananelo; le
  - Mesebetsi efe kapa efe eo Bolaodi ba Mangolo a Thuto Afrika Borwa bo e entseng.

**Bahlanka le basebetsi ba Bolaodi ba Mangolo a Thuto Afrika Borwa**

11. Bolaodi ba Mangolo a Thuto Afrika Borwa bo ka amohela bahlanka le basebetsi ba bona ho latela dintlha tsa tataiso malebana le ho amohelwa ha basebetsi tse beilweng ke Bolaodi ka tumello ya Letona la Thuto ka tshebedisano le Letona la Ditjhelete haeba ho hlokeha ho etsa jwalo ho latela Molao ona.

**Meputso le tjehelete ya tshetso ya ditho tsa Bolaodi ba Mangolo a Thuto Afrika Borwa esita le makgotlana**

12. Modulasetulo ha mme ho se theha kopano sefe sa Bolaodi ba Mangolo a Thuto Afrika Borwa kapa lekgotla ho latela karolwana ya supa (nngwe) lammo ba amohela ka dinako tsohle mosebetsing ona ke mmuso, ba ka lefuwa ke Bolaodi ba Mangolo a Thuto Afrika Borwa bakeng sa mesebetsi eo ba e phethileng bakeng sa Bolaodi kapa lekgotlana -
  - Tjhelete ya leeto, ya marobalo le tjehelete e nngwe ya tlatseso; le
  - Tjhelete e nngwe hape ya tlatseso lehlakoreng la modulasetulo ho ya kamoo Letona la Thuto hammohi le Letona la Ditjhelete ba ka laelang ka teng.

**Tshwara ya dibuka le pehelo ya ditjhelete**

- (1) Dibuka tsa mekitlana le diphelelo tsa ditjhelete tsa Bolaodi ba Mangolo a Thuto mona Afrika Borwa di tla hlalohjwa qetellong ya selemo se seng le se seng sa ditjhelete ke Mohlahlobi-kakaretso wa dibuka.
  - Bolaodi ba Mangolo a Thuto Afrika Borwa bo tla hlalisa pehelo ya ditjhelete qetellong ya selemo se seng le se seng sa ditjhelete hoba selemo sa ditjhelete se fele ho Letona la Thuto. Pehelo ena e malebana le mesebetsi e fapaneng e tshelatseng kamora hoba selemo seo se fedileng sa ditjhelete. Ba tla be ba hlalise le pehelo malebana le bohlahlobi ba dibuka esita le ho kena le ho sebediswa ha tjehelete selemong seo sa ditjhelete.
  - (3) Jwale Letona le tla hlalisa Palamenteng dikopi tsa diphelelo, hlahlolo ya dibuka hammoho le pehelo ya ho kena le ho sebediswa ha tjehelete jwalo ka ha e boletsweng karolwaneng ya bobedi. Sena se tla etsahala matsatsing a leshome le metso e mene kamora hoba Letona le amohela diphelelo tse. Haeba e le tswelopele ya dikopano tsa Palamente kapa e se e tlwaelihleng, pehelo e nts'e e lokela ho etswa ka matsatsi a tshelome le metso e mene kamora hoba Palamente e qale ka kopano ya yona ya tlwaelo.

**Melawana**

14. Bolaodi ba Mangolo a Thuto Afrika Bowa bo na le tokelo ya ho iketsetsa melawana empa ka tumello ya Letona la Thuto. Melawana ena e malebana le :-
  - Taba efe kapa efe eo Molao ona o dumellang;
  - ditjhelete tse lokelang ho leshwa Bolaodi mabapi le ditaba tse boletsweng karolong ya leshome(hlano)(a) le (b); esita le
  - taba efe kapa efe eo e laolwang ke molawana o itseng ho latela Molao ona.

**Phetoho ya makgotlana a ntseng a le teng**

15. (1) Mokgatlo ofe kapa ofe o etsang mesebetsi e tshwanang le mesebetsi e etswang ke Bolaodi ba Mangolo a Thuto Afrika Borwa o tla nne o tswelle ho etsa mesebetsi wa ona ho fihlela mokgatlo oo o fediswa kapa mesebetsi ya ona e fetolwa.

- (2) Ha ho na mokgatlo o tla fediswa kapa mohlomong mesebetsi ya mekgatlo oo e fetolwe ha ese feletsa ha Bolaodi ba Mangolo a Thuto Afrika Borwa hammoho le ona mokgatlo oo ka bobedi le mekgatlo oo e kopana ho buisana ka tse tla etsahala ha mokgatlo oo o fediswa kapa ha ho etswa phetoho ya mofuta oo eista le yona tshebediso ya Moralo wa Setjhaba wa Mangolo a Thuto. Ho tla etswa kgothaletso ya ditaba tse na ho Letona la Thuto.

- (3) Karolo ena ha e ame mokgatlo ofe kapa ofe o thehilweng ke molao wa yunivesithi o ikgethileng.

**Kgutsafatso ya lebitso la molao**

16. Molao ona o tla tsejwa ka hore ke Molao wa Bolaodi ba Mangolo a Thuto Afrika Borwa wa selemo sa sekete, makgolo a robong, mashome a robong a metso e mehlano.